



UNIVERSITÄTS-  
BIBLIOTHEK  
PADERBORN

**Praxis Meditationum S.P. Ignatii Loyolae**

**Diertins, Joseph**

**Solisbaci, 1708**

Med. 46. Ejusdem Myst. punct. 2.

---

[urn:nbn:de:hbz:466:1-60232](#)

## MEDITATIO XLVI.

*Detentatione Christi. Luc. 4. Matth. 4.*

Myst. punct. 2.

CONG. Sicut nunc dictum est.  
PRAEL. I. Quomodo Christus ter à diabolo fuerit tentatus.

PRAEL. II. Oculis mentis videre i diabolum cum Christo, & locum solitudinis conspicari.

PRAEL. III. Poscere exploratas habere fraudes mali ducis, invocatâ simul divinâ ope ad eas vitandas.

PUNCTUM I. PERSONÆ. MEM. Aspiciamus diabolum apud Christum in deserto.

INTEL. Hinc patet, quām verū sit, quod dux impiorum, dæmones per totum orbem spargit ad nocendum... nullis personarum generibus immunibus relictis. REFL. Concludimus, quod meritò nobis dictum sit 1. Petri. 5. *Sobrii estote, & vigilate, quia Adversarius vester diabolus, tamquam Leo rugiens, circuit querens quem devoret.*

VOL. Accusemus incuriam nostram contrà hostem tam vigilem. Oremus Deum, ut gratiâ suâ nos præveniat, & excitet; & statuamus cum Christo vigilare, & sobrietatem sectari.

L 3 PUN-

**P**UNCTUM II. VERBA. MEM. Tentator dixit: *Filius Dei es, dic, ut lapides illi panes fiant.... si filius Dei es, mitte te deorsum.... Ostendit ei omnia regna mundi, & gloriam eorum, & dixit ei: hæc omnia tibi dabo, si cadens Adoravis me.* Matth. 4.

INTEL. Notemus ordinem tentandi juxta Regulas de disc. Spirit. Solet diabolus primum illecebras carnis, & sensuum delectationes objecere; ut, si peccatores sint, teneat illos peccatis plenos. Si peccatores non sint, sicut statim apprehendit Christum non esse, nec proinde delectationem gulæ in ipso locum habere, multò minus carnis, tunc immittere conatur *Molestias, rationes falsas, & alias id genus perturbationes*, hinc tentatio illa sequitur: *Mitte te deorsum. &c.* Non solet verò omittere tres præcipuos temptationum gradus, *in divitiis, honoribus, & superbia fundatos*. Ideoque non tantum ostendit omnia regna mundi; Sed etiam gloriam eorum, & de utrisque dicit: *hæc omnia tibi dabo, &c.* REFL. Juxta Regulas de disc. spir. examinemus tentationes nostras.

VOL. Inter tot temptationes, & hostes positi, diffidamus propriis viribus, & certam fiduciam collocemus in auxilio Dei, quoniam à dextris est mihi, ne commovear. Ps. 15.

**P**UNCTUM III. OPERA. MEM. Christus tentabatur à diabolo. Luc. 4.

INTEL. Ratiocinemur Christum Regem, Ducem, ac optimum Imperatorem nostrum, voluisse

Iuisse pugnam illam sustinere, ut nobis animos daret: juxta illud, quod militibus suis dicebat: *In iisdem quoque laboribus, vigiliis, & casibus cæteris mecum persistendum erit, ut particeps fiat victoria, &c.* REFL. Cogitemus, quām ignavi nō simus milites, & vituperio digni, qui post tale Du-cis nostri exemplum, in pugnā contrā diabolum trepidamus, & animis cadimus.

VOL. Pudeat nos tantæ pusillanimitatis, & juxta Regulas de disc. spir. in Dei virtute collo-cemus spem nostram, & animum nostrum corro-boremus, & memores simus, quod hostis noster na-turam & morem muliebrem refert, &c.

COLLOQ. Quo poscamus exploratas habere fraudes mali ducis, invocatā simul divinā ope ad eas vitandas. RECOLLECTIO.

## MEDITATIO XLVII.

*De temptatione Christi. Matth. 3.*

Myst. punct. 3.

CONG. Propria huic hebdomadæ.

PRÆL. I. Quomodo post temptationem accesserint Angeli, & ministraverint Chri-sto.

PRÆL. II. Fingere sibi locum, ubi Angeli mi-nistrabant.

PRÆL. III. Petere gratiam benè intelligendi, & observandi Regulas de discernendis spiriti-bus.

L 4

PUN.